



ՀԱՅԱՍՏԱՆԻ ՊԵՏԱԿԱՆ
ՏՆՏԵՍԱԳԻՏԱԿԱՆ
ՀԱՄԱԼՍԱՐԱՆ

ՄԱՍՆԱԳԻՏԱՑՈՒՄ • ՓՈՐՁ • ՀԱՆՐԱՎՈՐՈՒԹՅՈՒՆ

ՀՊՏՀ Ռեկտոր Կորյուն Աթոյանի ելույթը ՀՊՏՀ պաշտոնական կայքի շնորհանդեսին

27 դեկտեմբեր, 2011թ.

Հայաստանի պետական տնտեսագիտական համալսարանի խորհրդի մեծարգո՝ նախագահ, հարգելի՛ գործընկերներ, սիրելի՛ ուսանողներ,

Այսօր մեզանից յուրաքանչյուրի համար հիշարժան օր է. բացվում է Հայաստանի պետական տնտեսագիտական համալսարանի ամբողջովին նորացված կայքէջը: Այնտեղ տեղ կգտնեն մեր համալսարանի ուսումնակրթական, գիտական, ուսանողական առօրյային նվիրված բազմաթիվ նորություններ: Այն մեզ համար դառնալու է այցեքարտ աշխարհին ներկայանալու համար: Համալսարանի կայքէջը պարբերաբար կատարելագործվելու է՝ համալրվելով նոր բաժիններով:

Այս գործում դուք էլ, Ձեր առաջարկություններով և ստեղծարար մտքերով, պետք է նպաստեք կայքէջի կատարելագործմանը:

Այս ամենին ցանկանում եմ հավելել, որ համալսարանում նպատակասլաց աշխատանքներ են տարվում համագործակցության պայմանագրեր կնքած պետական մարմինների և կազմակերպությունների հետ համատեղ կրթական և առարկայական ծրագրերի, ուսումնական պլանների մշակման ուղղությամբ: Դրանից զատ, ստորագրված պայմանագրերով ՀՀ կառավարությանն առընթեր պետական եկամուտների կոմիտեն ֆինանսական ֆակուլտետի մասնաշենքում հիմնովին վերափոխում և կրթական ժամանակակից տեխնոլոգիաների պահանջներին համապատասխան կահավորում է 3 լսարան: «Փյունիկ» հիմնադրամի աջակցությամբ էլ Մարքեթինգի և բիզնեսի կազմակերպման ֆակուլտետում նորոգվում և համակարգիչներով կահավորվում է 1 լսարան:

Սիրելի՛ բարեկամներ, բարեփոխումների ընթացքի մասին կարող ենք շատ խոսել: Ցանկանում եմ միայն նշել, որ ակտիվացել են ուսանողների հետ տարվող աշխատանքները, հաճախացել են միջոցառումները, ուսումնական ձեռնարկների շնորհանդեսները,

հանդիպումները մեր մշակույթի, երգարվեստի, գրականության անվանի գործիչների հետ: Այս ամենով հանդերձ՝ մենք բոլորս համոզված պետք է լինենք, որ հաջողության կարող ենք հասնել միայն ու միայն համագործակցությամբ և նպատակասլաց աշխատանքով: Եկեք միասին արձանագրենք մեր համատեղ ձեռքբերումների փաստը և կանգ չառնենք ճանապարհի ամենաթեժ խաչմերուկում: Վստահեցնում եմ, որ «Մենք փոխվում ենք» կարգախոսին հավատարիմ՝ մեր նախաձեռնած փոփոխությունները շարունակական բնույթ են կրելու:

Սրտանց շնորհավորում եմ Ձեզ՝ գալիք Ամանորի և Սուրբ ծննդի տոների առթիվ:

Շնորհակալություն: